



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Enchiridion Sev Manuale Episcoporum Pro Decretis in  
Visitatione, & Synodo, de quacumque re condendis.**

**Gavanti, Bartolommeo**

**Venetiis, 1650**

Parochia.

**urn:nbn:de:hbz:466:1-9534**

- tenus vtile dominium à parte trāsferri queat, & ad victum clerici sufficiat. *ead.* 7. *sepr.* 1630.
- 3 Patrimonium non potest capi in executionem ob illata vulnera alicui ad faciendas curationis impensas, etiam ex decreto iudicis, & etiam si nihil aliud possideat. *ead.* 5. *Febr.* 1604.
- 4 Ad Diaconatum non potest quis ordinari, promotus ob vilitatem alicuius Ecclesiæ, ab alio Episcopo, sub quo domiciliū habet; sed debet ab eo, qui eum subdiaconum creauit, nisi cum huius licentia discesserit. *ex Trid. sess. 23. cap. 16.*
- 5 Ob multitudinem ordinandorum, si desit tempus, qui in sabbato ordinari non possunt in sacris, continuato ieiunio ab ordinante, & ordinandis, possunt ordinari in sequenti die Dominico. *Henriq. lib. 10. cap. 12. num. 12. Dian. tom. 1. tr. 16. resol. 28.*
- 6 Non tamen in sabbato conferri potest vnus ordo sacer, & alter in Dominica, cōtinuato ieiunio, sub pœna suspensionis Papalis. *Nau. in Man. cap. 25. num. 71.*
- 7 Qui obtinet à Papa ordinari post tribus diebus festis, non potest in sabbato quatuor temporum, & in Dominica sequenti duos recipere ordines sacros. *Suar. de cens. disp. 3. sec. 1. n. 40. 42.*
- 8 Tres dies festos intelligi de duplicibus non feriat, docent *Rodrig. tom. 2. de regular. quæst. 23. ar. 5. Facund. de quinque præc. l. 1. cap. 2. num. 12.*
- 9 Sed Azor, cui adhæreo, *par. 2. l. 1. cap. 27. qu. 19.* intelligit de feriat à populo.
- 10 Licet Concilium Trid. in ordinando ad titulum patrimonij necessitatem, ac vilitatem requirat Ecclesiæ; tamen intellige illud, ac pro, vel *Congr. conc. 17. Mart.* 1619.

## Parochia.

- 1 **I**Tà distinguantur Ecclesiæ Parochiales, vt quisque habeat proprium Parochum, & vbi non sunt Parochiales Ecclesiæ, fiant quàm primum. *Trident. sess. 24. cap. 13.*
- 2 Quorum Parochialium fructus adeò exigui sunt, vt debitis nequeant oneribus satisfacere, curet Episcopus per beneficiorum non regularium vnionem,

Barth. Gamm.

aut primitiarum, vel decimarum assignationem, vel parochianorum symbola, aut alia ratione, sufficienter eos augeri. *idem ibid.*

- 3 Vbi populus est numerosus, cui vnus non sufficit Rector, adiungantur alij, & cogantur Rectores. *idem sess. 21. c. 4.*
- 4 Vbi ob locorum distantiam parochiani non sine magno incommodo Sacramenta percipere possunt, & diuina officia audire, nouæ Parochiæ fiant, Inuitis etiam Rectoribus. *idem ibid.*
- 5 In erectione nouæ Parochiæ, seu separatione Parochiarum, non requiritur consensus parochianorum. *Ricciull. in praxi. resol. 476. an 2. edit. nu. 6.*
- 6 Neque consensus Parochi primæ Ecclesiæ, dummodo sine illius præiudicio fiat. *decisum refert Praxis noua Ep. par. 1. cap. 5. num. 1.*
- 7 Ecclesia simplex potest ex causa erigi in Curatam. *Garz. par. 12. cap. 5. n. 2.*
- 8 Non tamen beneficium simplex in Curatum. *decisum refert, cessante causa, & necessitate. Garz. ibid. num. 3.*
- 9 Parochis nouis assignetur competens portio, arbitrio Episcopi, ex fructibus ad matricem Ecclesiam, quomodocumque pertinentibus, & si est necesse, compellatur populus ad subueniendum. *Trident. loco cit. cap. 4.*
- 10 Parochiales collapsæ, etiam si iurispatronatus sint, reficiantur ex fructibus quibuscumque ad eas prouenientibus. *idem ibid. cap. 7.*
- 11 Si non sufficiunt, patroni, & alij, qui fructus aliquos percipiunt, item parochiani compellantur, aut si nimia est egestas, transierantur ad matricem, seu viciniores Ecclesias. *idem ibid.*
- 12 Valent prædicta etiam in Parochialibus Regularium. *Decisum refert Fran. Leo in thes. fori par. 2. cap. 2. num. 69.*
- 13 Canonici residentes in Cathedrali, & clerici eiusdem censentur de Parochia Cathedralis, non autem de ea, in qua habitant. *Nald. Parochia num. 13.*
- 14 Si non resident, sunt de ea, in qua habitant. *idem ibid.*
- V. *Benef. vnio num. 11. 12. 13. 14.*  
*Benef. mutatio num. 1. 3.*  
*Decima num. 9. 16. 19. 33.*

L 3 AD.



## ADDITIO.

**I**N vim decreti. *Conc. Trid. sess. 21. cap. 4.* non potest Episcopus erigere coadiutoriam, sed debet cogere Rectorem ad assumendum sibi sacerdotes necessarios pro ministrandis sacramentis, decisum refert *Barbos de iure Eccl. l. 2. cap. 2. num. 10.*

## Parochorum residentia.

- R**esidere cogantur omnino. Trident. *sess. 6. cap. 2.*
- Etiam Regulares Prou. 5.
- Etiam ij, quorum institutio pertinet ad inferiores Episcopo. Decisum refert *Garz. part. 3. cap. 2. num. 179. in 2. & 27. declarat.*
- Resideant in ædibus Ecclesiæ Parochialis, nisi aliud videatur Episcopo. Prou. 1.
- Si non habent ædes proprias, conducant viciniores Ecclesiæ intra fines Parochiæ. Decisum refert *Garz. loco cit. in 22. declarat.*
- Quod extenditur etiam ad substitutos, & coadiutores necessarios. Prou. 4.
- Si in ædibus Parochialibus Rector, & socius habitare nequeunt, aptior ex ijs iudicio Episcopi, ibi habitet, alter in alia domo. *ibid.*
- Capellani, & coadiutores Parochorum instituti à sede Apostolica tenentur ad personalem residentiam. decisum referunt DD. apud *Barbos. alleg. 53. num. 78. & alleg. 63. num. 9.*
- Etiam si essent tantum incolæ, & si ibi fuerint duæ Ecclesiæ vnita, residendum est in digniori, & intra urbem, si altera est extra; si nescitur dignior, in frequentiori. decisum refert *Garz. loco cit. in 14. declarat.*
- Qui Parochialem, & Canonicatum, seu Dignitatem in Collegiata habet, resideat in Parochiali. Pius V. Anno 1568.
- Sub pœnis arbitrii Ordinarij, etiam priuationem beneficiorum. *ibid.*
- Si Parochialis Ecclesia tribus, aut quatuor milliatibus distet à ciuitate, in ea tamen habitare debet Rector, nec habetur pro residente, qui Dominicis tantum diebus illuc accedit. decisum refert

*Garz. loco cit. in 17. declarat.*

- 13 Neque poterit abesse Rector ille, cui est coadiutor. decisum referunt DD. apud *Barbos. alleg. 63. num. 8.*
- 14 Qui Vicarium habet perpetuum, cui tota incumbit cura, non tenetur reside- re. decisum refert *Gonz. ad reg. 8. Cancell. gloss. 6. num. 99.*
- 15 Neque excusat à residentia senectus. decisum refert *Praxis noui. Episcop. par. 1. v. Residentia vers. 9.*
- 16 Neque officium Inquisitoris. decis. refert *Gonzal. loco cit. num. 265.*
- 17 Neque officium Subcollectoris Apostolici. decisum refertur *ibid.*
- 18 Neque officium Secretarij, seu Vicarij foranci. decisum referunt DD. apud *Barbos. sup. num. 86. alleg. 53.*
- 19 Neque negocium Episcopi. decisum refert *Garz. d. cap. 2. num. 2. in 2. declarat.*
- 20 Neque quod sit magister Grammaticæ in ciuitate, si distat parochialis Ecclesia vltra duo milliaria decisum refert *idem in 19. declarat. loco cit.*
- 21 Etiam si relinquat ibi Vicarium idoneum. decisum refert *Ricc. in praxi decis. 102. in 1. edit. & resol. 393. in 2. edit.*
- 22 Studendi causa non percipit fructus absens Parochus. decisum refert DD. apud *Barbos. alleg. 53. num. 77.*
- 23 Neque excusat defectus domus, neq; seruitium Cathedralis, neque lis, constituto etiam Vicario idoneo. decisum referunt DD. apud *Barbos. ibid. num. 85.*
- 24 Excusat causa inimicitiarum, & discrimen vitæ, vt possit abesse per annum, dato Vicario idoneo. decisum referunt DD. apud *Barbos. ibid. num. 89.*
- 25 Item infirmitas: vbi non adest copia medicorum, vel medicinarum, potest ab Episcopo dari dilatio Rectori trium, vel quatuor mensium, vt in locis vicinioribus curetur. decisum refertur in *Praxi noua. ep. v. Residentia vers. 7.*
- 26 Propter intemperiem aeris Parochus aliunde oriundus, de consensu Ordinarij, potest per quatuor menses habitare alibi, relicto Vicario idoneo. decisum refert *Garz. loc. cit. in 4. declarat.*
- 27 Omnino ne euocentur alio, etiam ad diuina officia, paulò ante festa Natalitia, & Paschalia, Parochi. Prouinc. 1.
- 28 Itaque vltra bimestre regulariter ne absint